山庫全幸

史部

欽定四庫

史部

晴原要録卷九

詳校官編修臣謝振定 侍讀臣孫球覆勘

總校官進士 臣朱 校對官中書陸 磨銀監生 何

> 湘 鈴

彤

(A. A). 1 /. 1 靖康要课 奉聖古並令行出 前後敗軍覆將非 九無成算奇畫及陛下 列矣陛下復加以 知揚州按網輕脱寡 列李綱章疏甚多欲

善其皆合事機然猶降一官神祖朝韓絳以次輔宣撫 於陣士卒死者其衆非不知諸將違琦節制致敗也 韓琦以直學士經界陝西好水之戰任福劉平等皆沒 名使守便郡此臣所未喻也又臣僚上言伏見仁祖朝 出守鄧州益人君陟降如天夫心雖知其才能之可 西邊而諸將深入荒城卒伍駭擾水罹殺傷神祖非 忠赤之可倚苟有罪馬不可不加斥也臣竊見李綱 知絲之推忠盡瘁也雖原情無他然亦罷相止以舊秋

金げにたんご

灰全四事全 綱今日之敗志在殲冠亦宜點官降職以慰死事之 廷典刑不可不正如陛下念綱前日之勞在所記錄察 中正仰事陛下非敢于綱敗事之後從而下石也但朝 安得不加斥責以示懲戒乎臣愚不肖當慕范仲淹之 陛下亮綱用心無他因其請罷加峻職授以便郡於此 耗財疲民非特如韓琦好水之戰敗韓絳西邊之失也 於報國銳於用兵而聽用不審數有敗如其罪亦著矣 見陛下厚于記功薄于責過也然綱之所因敗軍覆將 请原要錄

專制閫外而師出罔功當任其咎縱使敗匈不由節制 臣僚上言竊謂先王賞罰惟軍政為大益以戰危事也 為敗事者之戒矣奉聖旨李綱差提舉杭州洞霄官又 之非則思授鉞之義尚須屈身為國受戮以申軍政豈 用勸伏望再加禠削以正厥罪又臣僚上言昨者金人 不允况令邊徼用兵責諸將論功之日必有所懲乃克 可復罷以職名優居祠館雖陛下欲曲全體貌然公議 有所失禍毒不細故嚴為之戒謹按李綱身為大臣

鉴九

アンコーノなう 當親臨戰陣以護諸將決求成功網坐懷州去軍前 故差出或隨逐前來各帶券歷不廢請給所謂法度紀 未關而遁兵卒逃亡金帛散失綱既告罷其屬官或託 **禪不知禀令士卒自相殘賊以守則不攻而潰以戰則** 能否不辨幕府紛然軍政出于多門臨時漫無成算偏 圍守太原久而未解知極密院李綱出總元戎兵甲非 不多也郡置屬官凡七八十員抽差人吏凡六七十名 切無有以此行師欲求決勝臣未之聞也大帥自 精康要録

屬將僚惟晨夕一揖而退若有所建明須先禱柄牧為 其與親密朝夕不相舍者惟都柄與張牧而已自餘僚 當公事等官員數很眾又多晚進書生網傲然畧不問 數百里緩急何以及事其幕府祭議機宜管勾文字勾 決謀于此二人可謂疎謬之甚聞綱初欲過隆德柄牧 柄張牧白身得官何當知軍旅之事綱數十萬之衆而 之傳導然後得見故人多怨之卒以無助而敗事況都 力爭不得往及軍勢稍沮遽督乞去將士忿怒下情不

國威以肅軍政奉聖旨李網落職依舊宫祠都柄張牧 甚罰其可已觀文峻隆宫祠優職非所宜得願賜斥奪 樊亦厚矣宜奮不顧身思所以報令喪師辱國如是之 昔者曹彬取幽州販績大謝天下太宗念其常有功於 國亦貶為士將軍其部屬至有編配者綱蒙陛下之眷 得知何以望其能先事而料敵哉誤國損威莫此為甚 通十羊九牧無所適從太原下數日矣網在軍中尚不 以叶師言若張牧都柄赞佐誤事亦當追奪前命以明

用為將軍以擊匈奴師出無功卒從吏議臣謹按李綱 並罷見任令別注授差遣又臣僚上言告漢王恢當建 太原失守天下寒心網歷而不言近世大將誤朝辱國 首言用兵以解太原之圍凡戰守之策一切聽之不從 用兵之議與韓安國論難往反至于再三漢武從其言 未有岩綱之甚者其奏議有曰若棄太原乞降御筆手 铅綱遷懷州弗力救援乃欲以棄地事歸之君父以逭 一覆也而綱方畧乖謬節制無術出師賴敗取輕敵人

資元惡大熟不忠甚矣其逆皇上於南都也與攸耳語 府中外沟沟莫知所為賴陛下察其奸不使入城然後 給使方君父在圍城之中正賴兵衆以為守備網乃以 為死黨其為守禦司也京在城外遂以守禦之卒假京 てこう: こ、: · 今年正月金人至畿甸旋即議和既而勤王之師四面 移時蹤跡詭秘不可具言追其還朝力欲援攸亦居政 人心翕然以定若綱言遂行而攸遂用其禍可勝計哉 蜡康要録

其責懷奸如此且綱妄庸人耳平時諂事蔡京蔡攸結

黨張煮馮檝方元若余應求陳公輔之徒鼓惑衆聴唱 自以和議既成無以為功遂與姚平仲同建初營之策 為伏闕之事幾至大變其初王孝迪斂民之金以搞敵 輻輳金人恐懼求去有日矣而三鎮詔書初未與也 慨然陛下隆宽廣爱薄綱之罪止于罷政而綱遂使其 收 其榜以沽小民之譽小民無知以為盡出于綱故伏 敗塗地朝廷不得已遂與三鎮記書與言及此可為 諫臣論列陛下重惜民財為罷之綱乃斂恩歸已

金ノロアノニー

紑

ころう こん 哉伏見李綱本以凡才誤膺器使卵翼于蔡氏之門傾 罪明諭天下以解愚民之惑又臣僚上言所謂大臣者 我令秋金人舉兵再犯邊陸首以網為言嗚呼網之罪 心死黨逮上皇将有內禪之意攸先刺探引綱為援使 罪授以散秩置之遠方以為將帥失職者之戒仍以綱 大矣尚以崇階均佚宫祠非所以示懲也伏望正綱之 以身任社稷之安危倘輕動妄作懷私誤國豈逃重譴 闕之巴聚衆萬餘觀綱處心如此豈所謂善則稱君也 请康安录

冒策立之功而綱之罪狀有不可掩者臣請為陛下數 位臣下何預馬乃敢貪天之功以為已力此其罪一 之太上皇帝心存道與倦聴萬幾陛下以天子授天寶 議矣綱乃妄意 金人之兵傅于城下逮西京兵至彼且心懼氣憐不敢 肆行抄掠莫测西兵之多寒强弱两軍相持則易于和 騷動朝廷大議已定不取于 民而綱自出榜文以為己 狼之心其罪二也王孝迪榜取民金寶京都之民為之 一勝逮姚平仲之挫匈使金人復肆虎

金字四层生意

蔡氏薦京入對上皇之歸也力引蔡氏俾還京國蹤跡 官資或白身授官鮮有遺者其罪五也陰與吳敏黨庇 · 說松其遺依書則有密語不敢忘之說但不知所謂密 こうことこ 私恩四壁之賞太濫幾至數千人而親戚故舊或濫轉 至變亂其罪四也身領守禦不知體國假君爵禄以市 ·黨者默諭其意力率士庶伏闕乞用李綱脅持君父幾 坊康要錄

上其罪三也兵既兵動朝廷不得已髮行罷免為之死

功身為大臣躬至市肆以收前榜竊譽兵民使歸怨於

作威福至陛下有唯辟作福惟辟作威之戒其罪七也 使王結余覩使金人復加怨愤抄掠吾民而河東河北 身為樞輔智術疎淺不能逆詐輒以蠟書付入金國之 語者何事其罪六也自謂功多排斥同列任情好惡妄 惟以軍法督戰遂至解潛之兵溃散卒無尺寸之功而 君幾于跋扈其罪九也迨至澤孟不務持重以量兵勢 之冠未平其罪八也陛下以种師之敗沒欲遣樞臣宣 河東而網軟拒抗君命乞納陛下所與之命以臣抗

金分四月之言

定國是而手民聽也臣竊見李綱自樞密出為宣撫其 任可為重矣綱天資碌薄濟以凶愎地位尊崇恥于咨 咎將誰執伏望陛下早正十罪特賜竄斥又臣僚上言 之法不當于羣心號令之施播告或匿厥指則非所 臣聞國之所恃者賞罰也民之所信者號令也若點賞 者罕見其面獨持淺智不能用賢果致價敗欲誅厥由 謂丹且行軍用兵徒知襲重貫之迹妄自尊大為僚佐 并門失守其罪十也古人所云是口尚乳臭者其綱之

アモロ・アノンコ

靖康安律

究正其罪而顯絀之則非所以定國是也然網强辯似 亡之冗士圖事換策既非所長料敵應變又其所短淹 訪羣置幕府皆一 留累月糜費國用不可資計卒不能解太原之圍若不 智敢為似勇竊主威以交羣枉違公道以市私恩故 出之民輕信易動綱之奸詐何由盡知若不明數其罪 播告之則非所以乎庶聽也臣謹按 小人喜為稱譽每綱之敗則歸咎朝廷以賈東怨出 時趙附之儉人選用裡佐多平日敗 綱之罪未易悉

これ うら 城下陛下屈已為民以講和好其使都邑之民輸金幣 蔡氏之宗敏固已不勝誅矣綱于陛下龍飛之後乃始 衢肆為乖謬不可施行之論臺諫交章奏劾陛下即 以助國益非得已執政王孝迪庸暗無狀揭天榜于通 禪綱之欺天罔上抑又甚矣綱之罪一也令春敵騎至 引敏以為証責奏疏自云臣與吳敏力建大策贊成內 乃能傳上皇之命請吳敏有建請之功峻加柄用以庇 陳請為陛下言其大者上皇獨決大議傳位陛下蔡攸 **啃康要錄**

表固請從臣言官亦皆奏疏乞罷親征嚴都城守禦雖 至生事綱之罪二也陛下始降親征之韶熊越兩王上 也故綱之罷其徒唱市井無賴千百為羣白畫縱殺幾 使行營司收榜都人但見李綱收榜曾不知出于陛 輸納或命以官或以官屋折還元價綱乃掠人主之美 殿臣武帥亦以為言又綱言為躬述利害回鑒與之 罪三也迨西師四集种師道與諸將駐兵郊外敵 下俯順羣情豈獨綱之力哉欺愚惑衆妄自夸耀

金いんにんとう

率不遜神人共憤攸既以罪被斥綱為營救綱之罪六 察京之棄去君父逃于洪州遣人以奏贖抵綱使之請 命顯庇元惡負國恩綱之罪五也蔡攸建請上皇為渡 豈有姚平仲喪敗之禍平仲之戰綱實使之輕舉妄發 對綱輒敢為京敷奏京亦恃綱在朝逐至國門以俟名 誤國大計猶復肆為狂誕之言賣亂朝聽綱之罪四也 **沒懼若綱稍加持重從師道之謀絕其抄掠徐為後圖** 江之計日構好言離問兩宫逮其黨宋與傳導語言在 靖康要録

乞去之章妄云奉使兩宫協和上皇之于陛下陛下之 也攸在丹陽綱自為城中通書至為諛詞云不敢渝德 奉上皇天性至爱本無纖毫之間綱安得此語哉綱 管專主用兵通者乃復請早辭厚幣以講和又請親降 館也其披寫腹心親密無間一 又有太師釣候甚安此中不叛通問之語時京在占雲 以後語勅繳納朝廷畧無顧憚綱之罪九也綱總行 也綱任為元帥偃蹇違命輔取陛下除授兵部 至於此綱之罪七也

金グロアル全書

食天之功竊人之財猶謂之盜食天之功以為已力豈 臣伏惟上皇以聖器授陛下蓋知天命人心有所歸 手記棄太原於度外綱之罪十也令勍敵憑陵國威未 授聖子意有未發臣與少军吳敏立建大策贊成內禪 不謂之盜竊觀李綱劉子稱太上皇帝厭萬幾之煩欲 秩竄之遐方以申邦憲又臣寮上言人臣之罪莫大於 具于前矣伏望陛下奮乾綱之斷擴離照之明處之散 振綱之誤朝致冠喪師辱命與夫懷好黨惡之罪已條 晴康要錄

具敏時權直學士院身在翰林故其意先達綱太常少 無不見之所論三事內禪乃其一也其詞引唐廢宗始 罪綱失言由是言之綱豈知上皇聖意哉徒假攸言猶 立為皇帝復為皇嗣君東宫事始播紳見者莫不駭愕 入禁中刺得密古吳敏李綱欲使二人大用為已肘腋 奮然獨斷豈假人謀此帝堯盛德之事也當時蔡攸出 卿疎外無由以進而綱遂懷此劄子朝路示士大夫人 未敢信且首尾兩端今乃敢明言上皇之意未有所發

宫協和臣竊謂綱之傳檄必得陛下聖旨非假聖古其 たこうる こう 臣竊謂固守都城兵民之心也陛下因人心却南幸之 自稱譽耶綱又有劄子曰傳檄而二鎮堅守奉使而兩 避敵之計者又臣躬述利害回饗與之行為固守之計 與敏力建大策則是誣上皇而欺陛下非所謂貪天之 綱劄子曰歲首太上皇南幸淮浙羣臣亦有勸陛下為 功以為已力乎臣聞善則稱君遇則歸已人臣之義也 綱 何與馬使綱嘗言之亦大臣獻替之常事何必髙 靖康要録

為然遂以其為國家柱石也大率綱之為人萬誕球妄 是數者平居叫呼衍耀要譽于流俗于表奏中時發不 迎祗迓禮意曲備兩宫未嘗不和網乃以為協和兩宫 誰肯從綱乃自為功何也上皇北歸乃其本志陛下遣 遜語自比其功于張良劉丝求裝度李泌流俗無不以 何也此以善自予以過歸君人臣之義當如是乎綱以 守禦司屡聲破賊都人遭圍閉之久莫不喜之使應援 足以欺惑恶衆令春敵人頓兵城下綱領行營及京城

金ケビルノニー

安言無行之徒馮檝陳公輔輩稱功頌德奔走揄揚以 をララインです 計於是已罷而復用推原其心罪不容誅為臣之義可 竊流俗之譽遂率聾俗叩闍喧噪以刦持人主成其私 知網乃乘馬徧歷京城自收其榜百姓歸恩于已又使 揭榜立禁民甚苦之臺諫論列朝廷遂罷括而民間未 朝廷括民間以足其數時中書侍郎王孝迪獨主其事 以為能用兵益其誕妄足以惑之也方敵人邀索金銀 姚平仲卒無尺寸之功而國受莫大之辱流俗猶信綱 硝康安稣

言臣聞天下之言蔡京死黨有三曰余深以 少年唐恪等三表請御正殿復常膳所請宜允 然謂有大功不宜問廢請降唇古以綱之罪暴白于天 數路敗砌陛下因其斥罷遂與揚州又與宫祠流俗紛 如是平今宣撫河東客無經畫肆意妄作督諸將決戰 乞守本官致仕奉聖古薛昻許守本官職致仕臣僚 下奉聖古李綱責授保靜軍節度副使建昌軍安置 日特進充資政殿學士提舉西京崇福宫薛昻劄子

西其所屬文士大夫傳以為笑崇寧初為大司程文有 以特進文階之極元豐未更官制以前乃僕射也國朝 稍示從坐之罰而獨于昂尚使冒極品之官華峻之職 偃然如故令許以特進大資致政罷其歸則何以慰天 也京之大奸既已暴露而正典刑余深林據削奪追貶 下之聖奉聖古薛昂落職致仕又臣僚上言伏見薛昂 制非歷宰相不除其選重美按昂天資邪故學術甚 清原要隊 +5

引致本路同惡相濟始終附會指天誓日而不相負者

郵片四庫全書 識之士為之扼腕元符中當上殿乞罷史學哲宗皇帝 **侥冒伏望削其特進之階以厭公議奉聖旨薛昂降充** 舉家為京私諱其名昂語誤及京字即自批鑑其口告 用史記西漢者昂朝斥落以塗學者耳目壞其心行有 諱其名者也昂之俗伎一至于此乃以極品得謝實為 之佐人固有當抵痔以媚權貴者矣未聞舉為同列私 曰薛昂俗指紳問至今傳誦平日好事蔡京無所不至 金紫光禄大夫致仕

蔵珍玩歸之二帥且河東宿師暴露日久欲厚搞之天 為龍圖閣直學士充河北河東路宣撫副使 及之充送伴官借給事中黃夏卿問門宣贊舍人趙說 吉汭延領納先取犒師絹十萬疋以行吏部員外郎 矇館之時雅議盡以三府所入細增嚴幣祖宗內府所 充大金國生辰使副徽猷問待制宣撫使祭謀折彦質 取蔡京童貫王黼吳敏李綱等九人家屬詔王時雍曹 请康要隊

五日幹里雅布軍陷真定府金人遣楊天吉王汭來議事

乘問盜邊能獲其酋長生致闕下勉責功名以副緣觸 罷 勒誘人户獻納錢物指揮勿行諂賜獎諭王似以夏賊 七日聖吉月朔上七諸州官朝拜烧香非祖宗法並記 僚言其往進繼明集叙述東宫故實及增置宫僚等事 出位而言徼福于後故非靜慎端良之士今既引疾、 九日葉煥依舊與郡前除直秘閣宮祠指揮勿行以臣 日金人陷汾州守臣張克戬死之 聖旨昨降諸路

氮芡匹庫全書

十日上率羣臣獻壽于龍徳宫 去可因而許之不宜授以中秘美職故也 日殿中侍御史胡舜陟奏涪陵人焦定當受易于

暴氏郭先生究極象數逆知人事而洞晓諸葛亮八

十二日秘書少監洪芻除左諫議大夫侍御史范宗尹

除右諫議大夫殿中侍御史胡舜陟除侍御史殿中侍

スピタニ ここれ

靖康要錄

自非厚禮招之恐莫能致奉聖古河南府差官詔赴闕

法用兵有必勝之理令居河南府樂道潛丝不求聞達

齊愈並除監察御史左諫議大夫徐東哲除給事中 意以示至公 **皆隨才收録勿謂曾經察京王黼重貫深師成輩薦引 的回修舉政事全籍人才人才之難宜所爱惜豈記以** 司業黎確校書郎胡 御史秦檜除左司諫監察御史元當可除右司諫國子 遂皆屛逐庶使草心應以時用三省及臺諫官深體予 告遂廢終身除挾好害政罪狀明白者不任使外餘 聖古一方用師數路調發軍功未及民 唐孝並除殿中侍御史王侯宋

金り口屋と言

伴無主議及見國相專理會三鎮無一言及嚴幣歸朝 皇子不說頭段事大事也意謂三鎮續到國相軍前館 前管件首結三鎮及所欠金銀歸朝官嚴幣四事及見 粒米狼戾今後但可就逐處增價收入不得輕議般運 糧民間陪費百餘萬緣聞之頗為駭異今歲四方豊稔 以稱恤民之意若船綱水運及諸州支移之類自當依 力先因若京西運粮每名一斗至用錢四十貫陝西運 奉使李岩水劄子言臣等被命奉使山西皇子軍 **姚康要錄**

金りにた 當復各况金人以絹書之故堅要此輩以示本朝不復 費廩禄終不為用玩而留之惟以宿禍前既下詔遣 官至於金銀不惟不言且深以為諱或言或不言或同 來數少復別生事端已先說所以損傷之因彼既信而 收納且絕無人南向之念不若與之以中其情臣恐將 或異要之大縣不過此四者臣等熟計之如歸朝官徒 不疑矣故云據見底教過來臣等論歸朝官如此倘春 不與秋亦復然朝廷必謂既已用兵幣何得與然

をいうことう 且陵寢在中所係甚大臣等固已恭依聖訓曲致折 無時以他物準折臣等論金銀者如此三鎮祖宗之地 睽也豈有不與之理臣等恐朝廷惜令歲之幣但語之 了今庫藏已竭那裹得來被亦知其無有故云若果是 此城下所許金銀臣等初不知其的數既見館侍説乃 以講和之後必不虧少彼意不深校臣等論成幣者如 兵之說歸罪將帥持禮議和遣使不絕初未當明與之 如此之多逐痛言當初使人不量朝廷有無胡亂許 **埔康要錄**

皇子為重國相為輕凡百禮數亦如之臣等到彼兩處 官以上聚議早為之圖無使長驅深入以成不支之勢 盡更望陛下恭酌王雲劉奉所說揆王汭之情令侍從 尚有尋思之語去就決擇惟在宸斷區區所見尚恐未 然終未諧契仍云已令王汭將意旨去也不復如皇子 臣等復以息生靈繼盟好永无窮之利動之而其意確 之說彼云既割三鎮則租賦自屬大金如何更将來折 則天下幸甚又劄子臣竊見朝廷自來遣使未嘗不以

マニンロナ ヘー・

莫是貴朝看得别其徵意似恨吾待之有差也又密問 以為諱當以此異同質之于館件則怫然曰此事一 思三鎮而國相確然不許皇子索金銀甚切而國相反 勢故特重之然國相為堂叔又為左副元帥位在上論 多固拒之詞故皇子要歸朝官而國相不及皇子欲尋 其功亦相等而皇子輕驕頗有易與之迹國相嚴整每 族屬為近昨至城下暴擊遠聞於露其功大有跋扈之 備見情狀殆與傳聞不同人但見以皇子係大聖之子 **靖康要錄**

大事體之重則又過之伏望陛下屈已為民度時用德 故有欲和之意今則國相所陷城邑增多而其規模之 相軋之象前此常聞皇子思國相下太原而功出已上 其給使人真定案中者曰此事只由皇子在太原案中 者曰皇子常來此問取稟雖云各護其所事然已見有 **思府者二思軍者二思縣者七思鎮寨者四並無本朝** 臣等自深州入金人亂兵中轉側千餘里回至南關凡 均其所以待遇之禮庶使交孚不害和議大計又劄子

金ノアロンノクラーで

處僅有民存然已漢蕃雜處祗應公阜皆曰力不支脅 こうこうこ 問人每見臣等知來和議口雖不言意實赴想往往 連綿不絕聞各收集散亡士卒立寨柵以自衛持号刀 令拜降男女老幻陵鑠日甚一 户之類無一全者惟井陘百陘壽陽榆次徐溝大谷等 人馬但見金人別營數十官舍民盧悉皆焚毀瓶罌牖 加額吁嗟哽塞至于流涕又於山上見有逃避之人 打敵金人**屡遣人多方誘之必被勒殺可見仗節 明康要辑** 日延殘窮谷狀若陰坐

義力拒彼人真有戀土之意惟河北河東兩路涵浸祖 脅從而在邑之民無逡巡向敵之意處山之衆有激昂 其教之陛下嗣位之初力行仁政獨此兩路邊事未已 調發産業務于誅求道路號呼血訴無所塗炭桎梏誰 而童貫開邊燕雲有禍披民膏血以事空虚丁壯疲于 宗徳澤垂二百年昨因用蔡京事新政流毒民不聊生 向敵之心可謂不負朝廷矣哀斯民之無生服斯民之 未沐醇醲之澤令敵騎憑陵肆行攻陷百姓何知勢必

蛋完四月 生言

をうず しいす 継以應奉百端騷擾中間方臘作過後遭橫逆民俗市 哀痛之詔慰民于既往思救援之計拯民於将來上答 痛哭言而及此實觸思諱然臣等區區忠孝之心目擊 十三日臣僚上言契勘東南之民二十年間般運花石 天心下慰元元之望取進止 其事不忍不以上聞伏望陛下深軫聖宸簿采愚說下 而主議用事之人前後誤國腦之此地可為流涕可為 有義愧起顔面痛在肺肝以陛下爱民之心爱民之切 埔康要錄

爭既不息莫適為主緣此田地荒蕪無人 會府官妓豈可不満百人抑勒隊長肆行糾率良人之 之餘精神不寧恣情任氣不循理法下車之始謂杭 不惟千里被害竊恐別致生事謹按知杭州毛友疾病 肆尚未復舊全籍守臣中和豈弟多万巡撫 婦預選者三人其失許于州即收禁于獄遂有自經而 死者民間理會田地不問合與未合釐草皆取契毀抹 訟自説偏見富者與貧訟則貧者得理命官與百姓、 一不得

イングローた

灵 里事全書 差提舉杭州洞霄官以葉夢得知杭州 竄斥更留在任士民何辜伏乞早賜罷點奉聖旨毛友 用但以蔡京之死黨吳敏之親戚故敏薦而用之若不 怪謬不可緊舉又言友皆治鄉郡有無善狀宜不可復 喧公論尋常判狀之詞巨耐勿事之語人多傳笑其他 蔡攸家財文字到州友曲為籍密報祭氏使之蔵匿甚 師友令不得支带甲錢羣卒叫罵幾至生事近朝廷取 則百姓得理元不問其是非曲直也本州發遣勤王之 靖康要律

府 **整今仰河東河北諸路帥臣傳檄所部州軍各得便宜** 檢校少傅寧武軍節度使充河北河東路宣撫使 全養生靈敢未退師攻陷城邑每聞邊報痛切朕心已 曰朕通好鄰國屈巳增幣無所不至凡所以保守疆土 令盡召天下之兵矣凡屬州郡豈可嬰城自困坐待 五日制右金吾衛上將軍提舉亳州明道宫范納 陷集從官議棄三鎮於尚書省 四日招應進頌賜及第人粉並追奪 是日聞真完

十八日臣僚上言直秘閣徐惕皆為廣西轉運使掊斂 更テラニ へこう 皇天后土宗廟北顧流涕明告此言忠臣義士寧不動 十七日駕幸飛山營閱礟賞賽有差因登北城而還 拔無使鄉里墳墓坐被殘破父母妻子生致雜散所祈 心故兹詔示想宜知悉仍仰宣撫使通行告諭 次者授以節鉞或召用於朝或世襲各宜體國奮然自 吏能與鄉里豪杰率眾打敵保守郡邑大者龍以公爵 行事合縱連橫相為救援見便即動無拘于律其見官 硝康要錄 Ŧ

舉亳州明道宫制曰乃者大將誤國羣議沸騰理宜譴 論李綱二章引用韓琦韓絲等語奉聖古劉珏落職提 任具官劉珏自朕初載撰真詞掖不惟喻徳之義依 斥書命之職當暴其罪狀明示四方茍懷二心是辜委 路受幣而官庫為之一空奉聖旨徐惕落職追兩官勒 公私之物如文犀大貝異香珍貨悉獻于蔡京蔡攸 日檢校令中書舍人劉珏昨繳連中書舍人安扶

灰色四草金 可 雲遣使臣至真定報金人已許和不復議割三鎮止須 尚書右丞副康王出使 從薄罪免所居官追處真祠以訟其遇可依前件 朝之罪操兩可之說無所折衷職在論思不信若此 始言踊躍自奮有嘉報國之心卒言輕率無謀宜正誤 **顧望首鼠不情接凶邪于琦絳之問復引仲淹而自比** 王輅冠冕及上尊號等事 二十日太常禮官集議金主尊號以翰林學士王寓為 靖康要録 子

敵寨造攻城具今月九日於寨立起碾竿一百餘座及 史胡舜陟劄子奏伏見陳遘蠟封申狀稱中山府城 指揮宣撫司火速遣兵應援臣觀遘狀詞迫切之甚恐 用大車搬運攻具近城必須旦暮極力攻打欲望朝廷 **應乎真定之所以陷實由宣撫司見朝廷遣使講和按** 如真定無兵為援卒致陷沒朝廷安得恬然坐視不為 シグト 二十三日李會為中書舍人汪藻除太常少卿 日李雅為中書舍人 侍

廢實務臣竊慮自河以北地土人心必兩失之豈宗社 次定可奉人等 間以和好為權宜以戰守為實務今乃朝廷以權宜而 雖攻城不敢救援此真墮彼計中也古者兵交使在其 求實貸且詭詞為順使不為備朝廷便以和好為疑敵 居然有并吞中原之志初未當與我和也但時遣使邀 也敢兵今日陷太原明日陷真定凶焰鼎熾侵尋而南 臣於此懼朝廷為敵人所誤信之而不疑者講和一 精康要錄 事

兵不動令若天下以講和之故不救中山失中山必矣

心疾首激切之至 悉欲遣使奉獻魏徵以為不可太宗從之皆不欲棄 之念即降麝吉日下令宣撫司出兵應援中山不勝痛 夷弊中國也髙麗獒我國家五十餘年美政和以來使 二十四日金人陷平陽府 一十五日侍御史胡舜陟奏漢建武時西城請置都護)侍子光武不許唐貞觀中髙昌王將入城西域諸國 至淮浙之間不勝其擾所過州縣官私船 是日雨水木稼

於遭冠朝廷所得貢獻皆玩好無用之物所費皆帑藏 縣尤苦之鞭笞取辦于民故淮淅問皆言萬麗一過甚 綠為好民無所訴更有宦官為之提轄事過有需索州 陳設排新所用之物皆出于民官吏督迫急于軍期吏 奪為用驅村保挽舟一縣至有數百人田桑農業盡廢 州縣前期勾集保丁多致凍餓失所公留亭館寺觀悉 之寶民之膏血近日賜予尤加優典所費不貲而又有 路鳃遗燕勞之用約數十萬編高麗人多唯欲數至 靖康要錄 千六

害之大者彼昔臣事契丹令必事大金矣二敵能制其 大者乎臣近見兩浙中路髙麗人使入朝非久到明 報敵人如此不惟有所煩數實養虎遣患豈非為害之 敵分我之山川形勢兵旅衆寡財用虚實往往窥測以 臣不知朝廷蠹國害民以待此小醜果何用耶又有為 死命而我無如彼何故畏敵而不畏我所得賜予聞與 草獒事以撫養我赤子伏望陛下以漢光武唐太宗為 臣恐復如前日騷動淮浙耗蠢邦財今日聖政一 一新

史胡舜陟奏伏見陳遘蠟書其詞哀切守城真定被屠 院事代寓新除右丞司諫元當可為鴻臚少卿 怒責寓閉散安置新默其父易簡宫祠擢馮澥知樞密 年之樊政以慰天下企望之情奉聖旨依奏 表入進遣還使人大率高麗人入朝于國于民有害但 つたうると 于州縣贓吏管待小人有利馬臣願睿明察此去數十 法勿使入朝實國之利如使人已到明州止令本州遞 二十六日左丞王寓惲遠行以夢誣証上乞免行上震 **姚展要练** き 侍御

流涕竊歎朝廷何忍其如此未當遣一兵一馬為援 戮生靈不知其幾萬人敵據髙城愈難追逐臣等讀之 金グロナノイニー 按兵不動乃所謂和也然敵人用兵不已今日陷 陛下言之古者列國兵交使在其問推論利害釋二 李邈三四十狀奏陳畧不見報朝廷豈惜土地不愛人 之患是以息兵而貴和令敵遣使來而我使亦往彼 民但以與敵講和不敢動兵豈非失計甚耶臣等請為 明日陷 邑侵尋而南有并吞席捲之志時遣一 國 也

吐 意攻取無人援解彼何計之得而我何計之失也今中 ての ラット とこう 宣撫司應援必失中山失中山則河北諸郡不攻而自 和議已定宣撫司見謂講和如此亦不遣兵援救真定 山城下敵朝夕必攻城矣若朝廷又以講和之故不令 以至破亡陳遘所以言被受和議之使留置寨中而 求寶貸詭詞為順使不為備我使之往脅之以威不得 下矣失河北則京師不可都而宗廟社稷危矣陛下 語但以敵人甘言奏聞而朝廷不察其情偽便 埔康要錄 謂

急遣兵遘之言如此可謂切矣陛下若聴大臣之論謂 恤州郡更無可論循欲保全伏乞追賜指揮宣撫司火 得不以宗廟社稷為念乎遘又言彼既攻城殺人放火 而我師援之理不為曲朝廷若任諸鎮之存亡不復顏 既講和不復應援則非為宗社之計第恐土地人心必 兩失之若大臣今日無以為援臣等以為河北之民兵 使諸郡縣傾康庫與民共之朝廷以好爵原之何患 不為用但在措置如何耳遠乞宣撫兵自深與來

金グロたんごっ

里之計感和戎五利之謀十萬横行乃信樊侯之妄五 官刑翰林學士承古吳开侍從老成文章重望朕于纂 承之始屢罄忠嘉適此多難之時可辭往使念闢國百 朝廷之選賢受位忘家益人臣之盡節不勤國事宜正 二十七日聖古吳开避事特降三官制曰越疆出使乃 三省樞密院日下詳酌施行取進止 應則轉禍為福易敗為功其言似為有理伏望陛下詔 合馬忠兵宣撫兵擊其西祁兵擊其東中山兵兵為內 埔康要録

自便姑從降秩以示寬容往省前愆力圖後報可降 千常勝更覺膩宫之非欲罷兩國之兵宜煩一介之使 之選尊母益由其子貴兹為人道之常春言邦媛之良 朝奉大夫餘如故 慎無違溫米有恪思女美之悅懌居自敕以箴圖致婦 而賜對便殿宣諭至情不聞力疾而請行乃願養疴而 疏恩于慈壹的示羣辟揚于大廷龍德宫婉容韋氏淑 凤被親問之遇生我介弟時作賢王方抗節于修塗宜 制曰御國必始于齊家首重婦官

金八四尼人二百

又是四男」八三丁 精康要録 味相和可以食矣胡不去其做人同己之心而務可否 **陇奏臣竊謂大臣之事君其去有三諫不行言不聽膏** 户部侍郎張愁依待河北都轉運使 監察御史胡舜 同可否相濟之謂和同如琴瑟再一不可聽也和如五 事不合而去則是做其同不做其和也無所可否之謂 飲樂不任國事三宜去也非是三者其去無義若曰議 無功而禮貌衰馬二宜去也支體廢憊心志凋喪嬰疹 澤不下於民一宜去也讒言得以問君子妄譽得以進

去陛下尊禮大臣曲盡體貌虛懷聽納言無不從讒传 過之大者固不可為過之小者問門待罪足矣安用輕 無過君有過臣且諫之臣有過君弗得問樂於臣强九 同而决去就哉若曰君有所話責而去人非尧舜其誰 之相濟可則行否則止無所適莫是謂至公何必以異 北防秋之具无在講求理躬焦勞於上黎元仰望於下 不敢肆其問異意無所幸其失有君如此難遇之時也 又况强敵為患追鄙未寧河東累月之圍正圖應挨河

釋奔走道路士庶觀之抵掌太息外國開之往往見笑 故有縣於視聽伏空陛下責以大義使各安職務罄公 使其去之有義其去何傷但不當於義理而徒為紛紛 體國之義當如是乎今日有大臣等家離府第者明日 大臣曾不恤此惟以議論不合而去以小過見責而去 唐近法祖宗痛抑宦官之權而有罪者斥之此實祖宗 心協深事業取進止 又有大臣挚家出國門者上順屬慈曲折調和王人絡 胡舜账又奏竊觀陛下遠鑒漢

東町車をする

精康要録

臣史義影輕追選以一時私怨勒停程通责降晁敏中 計其數其甚則竊弄權柄自作威福上皇御筆放逐使 劉宗愿屋産而低價其值於軍器所前後盜用官錢不 水為池又盜官王令陳宗妙等造帶及器物强買人户 世號為十惡昔置東莊北宅窮奢極後令翟祐之等盜 猶於虎狼目於貨贿恣為不法與童貫譚稹果方平革 之福然猶有小人尚蒙任使李殼是也按殼暴悍慘酷 官栈巨材以管堂室厮役兵匠計工數萬又磨河堤取

|倖富貴者一毫不取火耕水轉者因于重斂賦斂未得 省凡是數者悉反之正無幾人事修而天意得震怒 其正也數者未正豈所謂正厥事乎伏望聖慈明詔三 俊風俗未得其正也事未見功賞已驟至及其敗事罰 解妖氛自消坐致太平增光祖烈面奉聖吉令三省照 請削懷才抱器者非食州縣爵祿未得其正也昔之僚 雅無所忌憚任用未得其正也音之叨冒恩寵者未加 不加馬賞罰未得其正也聞官待習猶執事權頡頑恣 姚康要錄

應施行 吕 職事官或重鎮帥臣 康王馮獬等 五 一日聖吉劉幹侯到闕不隔班先次上殿取古除在京 好問為更部侍郎 日大 月 人尉鎮洮軍節度使司同知樞密院种師道空 日諫議大夫徐東哲為御史中丞諫議大夫 制以道君皇帝第三十四女封恭福帝姬 奉王輅俱發出門 /請也

金八口戶人

養九

こうう・・・・・ 事勢中變欲得三關至不然直搖汗都是日康王復 七日王雲自軍前單騎馳歸不數日至中外大駭果云 F 明年四月使人始離館歸國去云 樞密奉聖古令人使更不赴闕明州差官押送禮物至 為接件使未至以明州知鄞縣李文淵攝事管客十 麗國王档使賀皇帝登寶位詔差衛膺敏借太常少卿 日至定海縣計二百九十二人館于樂賓館先是 **滌罷極密以資政學士為太子賓客** 埔康要員 铅曰朕

從衆議是者行之 的實永久利害若割三鎮或不割各如何保無後患割 戚不得猶豫觀望今日百官廷議係宗社安危各要見 御史臺官告報百官初八日于尚書省議以聞军執親 何欲不與之其利如何朕當從衆而行之不敢自任今 欲保守祖宗之土地而金人必欲三鎮今與之其害 意議和無所不至雖衮冕車輅名號之類猶無所惜 之而來不割而來各如何備樂不得鹵莽朕母固必只

人人民貢賦者其末也况天下者祖宗之天下非陛 **阪定四事全書** 得河東陵寢在馬河北天下之四肢苟去吾不知其為 者二十餘人何東其首也是日不與者曰朝廷經三世 關朝廷大臣優游不斷集百官議于延和殿與者居左 地而和喻汝礪梅執禮宋齊愈素檜何東曹輔陳過度 馮海孫傳李若水等欲戰初王雲回報金人堅欲要三 不與者居右是日預議者百餘人與者七十餘人不與 八日召百官給紙礼各獻和戰之策耿南仲吳幵欲棄 精康要錄

肆擾則天下怨怒師出無名不戰而屈也與是朝廷從 許之今反不與是中國失信于强敵若姑且與之縱復 之天下石敬塘故事豈可遵乎與者曰三鎮朝廷既當 好禍至伏地流涕以請已而黄門持宗尹疏以示衆曰 與之者是日何東罷中書侍郎 朝廷已有定議不得論頃之宣問金人欲必得三鎮割 不割利害若何金人已與王雲約日割與不割金 和殿各給紙礼文武分列廊無范宗尹乞予之以 又記集百官議三鎮

Caudin L Zaza 難之八日梅執禮建議清野從之尋宣孫傳梅執禮 歸自為哈所慟哭于朝必欲朝廷從其請先是金人遣 材等三十六人以謂不可割餘皆從宗尹議又李若水 時議遂定乃下詔曰朕嗣有大統屬時艱難外陵憑陵 王雲約以十五日以前告割地書到不然以十五日渡 之來如何守禦惟梅執禮孫傳吕好問洪芻秦檜陳國 不割则太原真定已失矣不若任之但飭守備待之恪 河至是何專謂唐恪曰三鎮之地割之則傷河外之情 蜡康要铢 **弄五**

請雖衣冕車輅稱號之美猶無所愛凡以保守土地 忠臣孝子自當體國念家人自為戰令下之日應河北 因與總修和好遗略之使項背相望凡有所求悉從其 京畿便行清野保守城邑其聚徒結衆杆冠立功自節 社使我百姓父母妻子悉被驅虜財物積聚皆遭封奪 活生靈而敵勢未已動起兵端必欲割我人民覆我宗 元元被害於是捐棄金帛實王不可數計以救百姓于 以下皆以充賞仍仰州縣預以上聞若自能斬首獲

金いノロアノニー

ここう ニー・ニー 溥西鲜並守禦使孫傳招兵使 擾清野隨罷 並依此恩推之咨爾衆庶咸體朕意 部侍郎宋伯友天資爲劣市井之流才能素之寸長但 野使已而京畿之民扶老攜幼入保多暴露者人情大 餘諸路有忠義之人能率衆勤王或立功河北河東者 之人孰若從危即安轉禍求福興言及此流涕無從其 差王時雅東聲李撰南壁安扶北聲部 靖康要錄 侍御史胡舜陟奏刑 鉛梅執禮為清 きな

《級者倍軍功凡吾赤子與其殘于敵人之手流為異域

金片四月人二言 侍郎皆文誥之力也令春朝廷遣伯友往大金軍中迎 身事文誥如奴刑獄出入惟所順指而文誥用之為爪 牙以快私忿刑多枉濫人甚冤之未幾遂得待制已而 臣僚上言竊謂付之千里仰之共理必有循良之才豈 工詣附近習為大理卿而內侍鄧文語為大理祭受傾 至于此伏望罷默奉聖古宋伯友除癥猷閣待制與郡 取庸王伯友不肯行至煩朝旨督責而後往近遣提舉 河但擁兵自衛略無措置其素行调喪才无可用

てこう… ここ 羊亦何一方赤子不幸耶伏望竄之退裔與威章一 既還尼馬哈尚留隆德府詔遣路允迪等以和議之書止 十日新差知鼎州邢惊除停勒先是二月問幹里雅布軍 行奉聖古宋伯友降充右文殿修撰知鄭州 漢唐酷吏无異宜膏斧鎖以快吾民令使治郡猶狼收 恩寵怨氣充塞傷天地之和使上皇負誇于天下此與 數時盛章尹京伯友為廷尉觀望內侍風盲多殺以希 請康要俸

弟之政以牧養細民伯友昔任大理殺戮無辜不計其

尼瑪哈聞幹里雅布軍徒金帛寶貨而已無所得遣使數來 金牙匹尼生言 求貼時勤王之師踵至大臣有輕敵意猥曰吾兵强盛 **停回金國有伊都金吾者領契丹精鋭甚聚貳于金人** 亦留其使與之相當於是館其使算卓等逾月不遣有 都管趙倫者燕人衛校懼不得歸乃許以情告館件那 如此當與敵抗衡而滅之彼既領吾肅王過河吾何不 信之即以詔書授倫賜伊都納衣領中仍送賜倫等各 願歸大國大國可結之圖其二酋依遂以聞朝廷大臣

ころはは、ころう 乞致仕可落職送吏部與小處監當 兵向京師朝廷以報始禍故有是命 外折彦質以宣撫司領兵十二萬防河與之對壘敵發 怒以倫書表聞其王且具道南宋反覆之狀其主復報 帛千疋白金千兩倫至尼瑪哈所首以其書獻之尼瑪哈大 云入攻討事无大小委元帥府從長措置遂破太原提 日聖旨罷記宗尹諫議大夫 日聖古秘閣修撰知平陽府林積仁綠賊馬侵犯 精康要錄 是日晚金人至河

金グロをとき 整兵接戰有羅索大王者曰宋兵雖多不足畏也與之 數十騎來探回報其帥曰南宋兵亦盛未可輕度或欲 十三日臣僚上言竊以元豐年西師敗績永樂陷沒神 府郭奉世特除為嚴猷閣待制 以觀其變衆以為然黎明王師潰賊遂長驅 戰則勝負未可知不若加以虚聲盡取戰鼓擊以達旦 聖以後章惇輔遂議開邊至京等用事在誤上皇大生 祖皇帝慨然與歎元祐中朝廷體兵息民天下晏然紹 知襲慶

17. 7 in 1. 1. 1. 授武功大夫王機已除名勒停送髙州編管奉聖古詹 **嶺表伏望表正誤國之罪以為奸臣之戒勘當和說追** 受功賞助成今日之患合正典刑大快公議薛嗣昌和 **說雖死合行追奪詹度王機縱未顯誅市朝亦當鼠之** 薛嗣昌帥太原詹度帥河間皆交結權臣肆為欺罔冒 主其首惡賊臣既已竄戮如王機守寫門和說守瓦橋 兵連禍結今五年矣賴天祐有宋篤生聖躬為社稷之 邊際兵馬日益凋耗公私日益匱竭又舉代熊之役致 晴康要録

金人十月二十三日到城下安排攻打二十四日淵差 寒放火燒死金兵不知數目其敵寒盡皆開亂唇黑相 州統制官韓世忠棟選步兵三百人于西北門切破敵 度責授海州團練副使郴州安置薛嗣昌生前官職並 防禦使餘軍兵各轉五員資 殺其得功將士乞等第推賞奉聖吉韓世忠與除正任 人才素號强勇欲依四道置帥體例差發運使翁彦國 劉輪奏據都統制措置慶源府城守王淵申契勘 韶福建江東西浙東路

金グロをとき

旬 ラン・う こここ 遣王雲且以康王押衮冕車輅行尊金主為皇叔上尊 西道 與復舊職依此施行 號十有八字康王請南仲偕行上曰南仲老矣令其子 延禧代之 充經制使令召募超發軍民二萬人須管於十 四日京畿人产盡移入城 到關勤王其錢物亦許于二廣那移奉聖青翁彦國 副總管 **硝康要録** 是日敵勢已逼耿南仲力勘急 孫昭遠除秘閣修撰充 四十

月

故河外諸州堅壁不戰天下諸州或不勤王陛下皆置 十五日臣僚上言竊以去年之冬金人入冦出我不意 必復深入若天下諸州或不勤王以致大河都城受急 來聞軍已至西京不復請三鎮直以盡河為言陛對不 當職官並以軍法從事 王及之同金國通和使王汭 而不問恕其倉卒之失也今年自春夏以來皆知金人 則事平之後當須行法奉聖古依奏其勤王若敢後時 遜有奸臣輔閣主之語上下海懼因許之且以兩府

金厅四件手手

をコラニへこう 金人已渡河百官疾速上城 **聶昌日下出門遂新諸路門橋諸軍城守晚有御礼云** 出御批曰過庭忠誼可嘉特免奉使差辭免入耿南仲 馮澥曹輔皆依違不對耿南仲以老解聶昌以親辭尋 州復留領開封府事於是御批以金人欲割地須兩府 人行唐恪既署勅何泉大駭曰不奉三鎮之詔而從畫 二人行令各有陳陳過庭以主憂臣辱首自請行唐恪 河之命何也專不肯署因請出乃以資政殿學士知杭 **靖康要錄** 金人兵由汜水關渡黄

質責授海州團練副使永州安置先是宣和中河北河 萬餘人官給錢米以贈之雖請之不許支用者亦聽之 東宣撫司謀取燕雲内燕雲之民置之內地曰忠勝軍 上門清野 使久之倉廩不足以饑而怒出不遜語我軍所請皆陳 河京西提刑許克許高汜水兵卒望風而潰京師聞之 腐亦怨道路相逢我軍輔罵辱之曰汝蕃人也而食新 曰義勝軍皆山後漢兒也實勇悍可用其河東者約十 龍圖問直學士河東河北路宣撫使折彦

アンノにたんかで

莫開是時太原張孝純謀守關人或曰冀京可也於是 至代守將李嗣本率共拒守漢兒又擒嗣本以陷降代 3/1.) Die /. . . . 至忻州守賀權度勢不敢開門張樂以近之敵人大喜 門獻于金人既至武州漢兒亦為內應遂失朔武長驅 朔州守將孫翊者勇而忠出兵與之戰戰未決漢兒開 懼其心益二俟釁且發至乙已冬金人南犯朔武之境 我官軍也而食陳吾不如蕃人乎我將誅汝矣漢聞之 下令兵不入城遂抵石嶺闢闢最險隘一夫守之萬夫 靖康要錄

忠當前應其居後見襲也守忠至關果故而獻之景以 太原既被圍提舉保甲郭誼自城中出傳機諸郡便為 千助之景復辭孝純曰第如我語景不得已而往使守 命景景辭以兵不足孝統命漢兒耿守忠以本部兵、 備諸郡悉築城點丁為守禦計初漢兒義勇軍四千人 軍騎奔還金人遂圍太原是時宣和七年十二月初也 垂涎頗崩攘奪之心會聞金人已圍太原而金人之餘 其將劉嗣初者宣撫司俾領其衆屯平陽見平陽人之

黨且襲京師嗣初聞之密遣人問道獻平陽圖于敢 ステンロュ ニュチロ **曹自太原而南過南北關仰而數曰關險如此而使我** 出避之嗣初、 納地令果隨其地徒街宿憤殺入城中甚衆城中人悉 於是金人益熾留數萬人守太原而分其半趨京師其 於是正月十九日偽為入城貿易者既入則殺守關之 人啟問以內其軍其徒大噪而入大譙門府奪舍甲伏 取器甲分隊而出士民戰慄走且呼曰奸臣置漢而 入城括金銀驅婦女凡十餘日而沒金人 磷康要錄

金グに屋 臣張確通判趙伯臻死之敵人留漢兒姚太師守隆德 軍獻之其酋忻然駐城外至隆徳府隆徳無備遂破守 過之南朝為無人也哉至威勝軍權軍事李司問者以 廷使汝交割太原但奏朝廷云某等不肯坚守如初金 領兵攻澤州達朝廷講和官乃還太原遣人入城諭之 太原城外植鹿角木瓌其城厚數里中為小徑往來縱 曰朝廷已割太原矣亟開門孝純并副總管王禀曰朝 人大怒無如之何留兵數萬守之其首歸雲中敵衆于

灰宝四車 主書 急之人能至者皆枯瘠如思曰太原城中煮弓弩及皮 中為奏狀以達朝廷且令速進兵解圍告急給之其人 甲以食又將告竭矣朝廷命姚古為置制使領兵駐威 問為敵獲逮其書至朝廷已與兵應之敵亦甚懼其告 以助馬太原雖被圍甚密而竊出告急不絕皆于衣領 大以警之是時天氣已熱敵兵各休于林樾之下而分 月二十七日於雲中張飲而慶者三日漢兒蕃兵打球 食太原十邑其守益固大首既歸雲中有課者來云四 請康要錄

勝軍其軍無故驚擾自威勝遁還隆徳一 求為都統制居太原之北張思正亦為都統制當文水 本部兵最先五月初及金人戰于平定威勝之問金人 奔山澤間甚衆是時諸路救兵未有至者獨种師中以 以鐵騎衝突師中死之六月初太原告急者益少人皆 **豁為副使當平定之路解潛為置制當威勝之衝折** 知困內外憂恐或聞李綱為宣撫已到懷州乃分命劉 之南且命張瀾為陜西路都漕兼河東察訪而督其戰 路皆震人民

シガノドマル

これから たいう |学雙輪前施皮籬四木運轉輕捷每車用甲士三十五 雖旦暮已涼鎧甲可御人人相視曰炎暑固不可用兵 退遁可以當鐵騎於廣造戰車其制獨輻雙輪四小而 人執弓弩槍牌之屬以輔翼之結陣而行鐵騎遇之皆 則鋪之于地以却戎馬之犯二者皆施行然河東七月 軍旅盛甚河東之人皆喜曰太原圍解河東安矣有張 行中者有獻戰車云可當鐵騎於是造千餘兩其制兩 **姚康安録** 学五

也 **閩蜀之人** 今已京而猶未進事將奈何又見官軍之過者皆江浙 相 者曰救太原兵也識者默然或有知兵者私相 數不多廣為虛數以張聲勢耳若使諸帥三路同日 不能勝而潰平定僚汾之師皆逗留不進潛幹失利 入敵必不能支吾取勝必矣若祭差不齊勝負未可 遇于南北關搏戰四日殺傷相當敵日增兵潜軍 八月初輪兵先進敵併兵樂之輪兵潰而潛兵與敵 、俯傳政壁竟日轉徙道途之間問之汝何為 調回敵

金人工屋人工一

大きり事しよう 州縣教聲震地口我師勝矣或持酒席相慶口皇帝聖 軍謀者以告思正思正襲之斬首數百幾獲嗣本本脱 道還者也斬之以狗是月十五夜敵于文水張飲以賞 樂思正思正領出汾州執景示衆曰景不堅守石嶺關 去灝思正以小捷之故馳黄幟呼于中路曰汾州報捷 十七萬號回百萬未出戰敵曰豁潛既敗不足慮也乃 散之兵蔽生而還人人震恐獨思正之兵在汾州其衆 驅婦女老弱守虚寒以當平陽威勝之路而併其兵以 靖原安錄 タナナ

|擊我師大奔相躁而死者數萬人坑谷皆滿思正敗卒 邑一空敵乘勝急攻太原遂破實九月初三日也敵乃 晉絳澤州之民扶攜老幻渡河奔者鉅萬計諸州縣井 數千奔汾瀬以牙兵數百超慈顯于是汾州威勝隆德 敵曰彼衆雖多而囂不整无能為也乃以鐵騎三千橫 慈吾其見太平乎至有感泣揮涕者十六日思正出 進攻汾州且分兵禦照以北諸郡敵勢甚張汾州堅守 以待救俄開朝廷分河東為兩路其隆德府即為東

イシングレ

عادا الم

吾曹病矣為之奈何未敢前進俄而官兵自散去敵乃 麥而已士笑曰軍食如此而使我戰乎敵領銳帥以攻 である。 / · たい 乏竭倉廩不足士之守回牛嶺者日給豌豆二升或陳 以守朝廷又遣劉琬統衆駐扎平陽以杆北邊然國用 回牛嶺敵于山下仰望官兵曰彼若以矢石自上而下 經界平陽府即為西路經界各命守臣以援汾州之南 汾州之南回牛嶺者除峻如壁可以抗扼於是乃命將 回牛嶺十月初八日汾州失守州将張克哉死之當議 精康要素 四十七

矣敵騎至河陽彦質列兵于河之南敵兵據河陽望見 登馬十二月二十四日敵至平陽琬領兵道去遂陷平 陽官吏皆缒城而出爾後威勝隆德平陽澤州皆失守 髙為京西南路提刑亢為河北路提刑各統兵數萬 送華州編管知滑州李仲詢除名勒停送同州編管許 許髙除名勒停送瓊州編管知絳州李元孺除名勒停 河至京師矣 河南官軍甚衆鳴金鼓以拒之我師潰散而歸敵遂渡 宣赞舍人許亢除名勒停送吉陽編管

金八匹匠在

所聚收逃走軍兵權于天清寺屯聚鉛從之 これが 散閣直學士張景以老病辭免南道都總管奉聖旨許 水門并陳州門 高世即為桑謀是日康王出門午後諸門皆塞獨留東 十六日遣康王為告和使耿延禧除龍圖問直學士與 州宋伯友落職降三官提舉江州太平觀本處居住嶽 防路洛口見金人即自潰故也 依舊致仕 7.1.4.5 成忠郎郭京進狀具畫一七置選甲正兵 張態除延康殿學士大名尹 **靖康要録** 陳過庭

除中書侍郎何東除資政殿學士提舉配泉觀兼 十七日部集京城保甲 是遣回以騎五千巡視黄河號巡按大河使敵陳舟欲 渡守戍鷲潰回挺身單騎馳還朝廷不問回力辭去位 孫傳除尚書右丞 於是仍舊職宮祠 尚書梅執禮京畿措置清野指揮更不施行司馬 郎曾輔除御史中丞何桌領開封尹府職事 簽書樞密院李回自河上道還先 徐秉哲除開封尹 程振除

金にんじた

八十世

たこうき へこう 堅據要害以代其謀別馳萬騎往來助之絕餉道清野 槽明日知是折彦質潰卒復開三門議或謂敵乘機渡 員候騎言敵兵已逼近郊京師大震於是戒嚴繕治樓 漕臣葉景詢同河東漕臣葛兢專一副王庶係增置 星夜前去麟府豐嵐憲保州寧化晉寧軍並隷陝西鄜 河鼓行而南有易我心不若四面十里問各屯兵二萬 延路帥府內晉寧軍安撫司依雄州體例施行令陝西 除右司郎 王庶特起復除直徽猷閣充陝西轉運使 精康要錄

集兵揚言搖燕山以動其心潛軍河南合四方勤王之 其虚實令河北郡邑結營自守更走使以元帥拜康王 臨狩徐議所向嬰孤城自守詎可久耶猶豫未決問而 師繞其背夾攻之敵不足亡也或謂敵兵焱銳而我師 以來多豪且竭使不得進掠從課問何敵隊時出兵當 敵奄至朝廷茫然不知所為制曰醲于賞以懋功所 正朝廷之治篤于親而立爱所以隆門内之恩眷惟 如久矣聞深入氣溢脱不支敵坐傷國體不若推駕

金ラビルノニー

贵弟方抗旌而修好肆陳力以罷行揚於大廷布以孚 號皇弟大博集慶天雄軍節度使亳州牧兼平陽投康 以巨藩因八命之崇升之大府陪敦邑采增衍圻封鳴 許乃不憚于一行載惟誠忱良以足用仍攜鉞之貴加 誼能體國奮不顧身手足具懷固重勤于既往意氣自 使克底其績最人所難方盛秋之届時屬朔郊之多警 約處譽問之城守之以謙比宿師之在郊嘗仗節而出 王信厚由乎夙禀義烈出乎天資席地勢之華持之以 5 ... 靖康要簿

度使信德牧兼冀州牧依前太傅康王制十月二十八 呼磨之熟段好旋歸永綏壽履可特授安國安武軍節 息兵宜得賢王往將使指惟我貴弟慨然請行孝通神 議和遼令之宜朕愛惜生靈視同赤子講信修睦庶幾 日與韋妃同出勅康王屬者鄰邦舉師邊未出警遣使 益宜自慎以寬朕手足之念故兹詔示想宜知悉 **肯金人復構兵侵伐漸近大河自當多該守禦之具即** 明忠存社稷英氣不懾奇畧有餘朕甚嘉之首出祁寒

愛定四庫全書

差選兵士頻把險隘蒐擇人才厚賞委用閱練奇兵詢 驚擾百姓使民心不得帖然可廣行布告令朝廷見行 安其居無循胥動之言如敢有扇惑造言之人誑擾 訪奇策金幣官爵無所爱惜恩罷命賜例增數等見行 致惶怖類皆無賴不逞之徒意欲乘時為好妄言事端 分布防城守具以固京師內外人民咸體朝廷之意各 精康要深

搭掛及差官多方預為圖備訪聞京師之相動以浮言

至鼓扇造不根之語良民不得安堵往往懷疑愁歎以

金字匹厚全言 皆謬諸門稍有開者 車而剪羣盜令我國家堂堂之大而又祖宗積累深仁 庶並重于法不赦宜詳告諭各奮忠誼為國以期安靖 陟奏臣觀今日敵兵侵陵國勢危麼豈可拱手坐待武 劉付開封府大字出榜晚行兩日土塞諸門尋聞所傳 厚澤陛下有聰明睿知恭儉勤勞之徳天下樂于推戴 王滅紂興王起于百里漢髙驅烏合而破强秦光武單 (日相國寺招敢勇兵仍給散衣甲 侍御史胡舜

南仲庸暗不晓事耳恪昌則不然才足以營私為奸辩 足以文過飾非陰附內侍延恩固寵區區一心但為身 耿南仲腐儒何專狂生聶昌凶人李回雖差勝亦議論 撥亂中興王室所用以為大臣者皆非其人唐恪俗吏 得賢才為之輔佐故能成帝王之大業今陛下欲與表 安可以敵勢之强便謂莫敢然湯武高光奮于微弱旨 迂濶獨陳過庭正直孫傅忠朴亦非康濟經綸之手岩 不恤國事敵未至則偃然自安敵欲至則惟務城守 清東三、湯 卒二

金定匹庫全書 與人皆鄙之都人見令事勢迫切莫不歸咎宰執數日 所以折衝禦侮之計寂然無聞自蒙任用以來衆論不 患其不足得一善守河者則敵不可得而渡得一善守 門久閉人不聊生必以誅宰執為名羣起為亂此事不 前皆傳唐恪耿南仲疾草宣醫聶昌臺諫攻罷則衆 之情可見矣近唐恪趨朝或以石擊其燭籠萬一城 可不慮也今欲以弱為强轉敗為功當以人才為先得 善將兵者則兵不患不為用得一善理財者則養不

城者則人不可得而亂求人才以得用豈煩陛下焦勞 意擇所委任以為心腹天下幸甚 昌等所引用皆貪汗不法之小人小人之才造足滋禍 年二月一日方晴初用兵置烽火達北邊敵初入境 十九日郭京募百姓兵萬二千人 大率君子小人各以類進大臣可不擇哉伏望睿慈加 てこうら へいう 兵耳連遣使臣以兵往探歸朝妄報自十三日雪作次 人人而閱之但宰執得人人才自足敵不足平矣令恪 **姚康要錄** 游騎扣城或回敗 季三 日

数千炬自渡河不復見矣 依舊宫祠 史令州軍尋訪敦遣 懷州通判效用蘇諒補秉議郎添差懷州監押賞功也 **嵌散閣河内縣丞范仲熊特改奉議即除直秘閣添差 詔賜北道總管趙埜砲带弓甲姚平仲特與叙正任** 二十日知懷州霍安國除藏歌閣待制通判林淵除直 日遣門下侍郎耿南仲使斡那布軍知樞密院 唐度落職降充光禄大

金と人ピアルノとうで

養九

アニラニーニラ 宗港都統制劉延慶范瓊統材武人分布四壁皇弟康 是日午後復閉門金人已過犯水關四壁掛甲上城四 弟康王次相州 壁差提舉官東壁孫親西壁安扶南壁李擢北壁部溥 聶昌使尼馬哈軍即日出門許以大河為界且告和也 毎聲三萬人差部將小使臣等七百員孫傳都提舉王 二十二日張权夜自鄧州帶獵户勤王至南薰門劄皇 王次磁州 靖康要錄 辛四

簽書極密院事秦檜除御史中丞 城甚急人皆震恐以金人大至也 をりにた 合言 越宿而回云兵次陳橋投擊殺傷者百餘人他衆僅脱 司遣使臣馬綱作斥堠三日而返報言敵兵渡河朝廷 二十四日記許搬萬歲山石賣作碌石幹里雅布軍至城 下屯劉家寺至十七日道路傳金人遊騎已渡河殿前 不信再遣使臣劉詢帶步兵三百人出封丘門遠探不 二十三日孫傅除同知樞密院事曹輔除延康殿學 是日夜呼百姓登

內侵賴將士之力獲保宗社而攻戰守禦功賞未明恩 |業萬民歡呼而鐵騎已逼城下矣 金人到城下逐日 変記事をいう 齊未徧使士不用命人有怨言有司失職咎實在予 加多約二十餘萬南總管張权夜以三萬人先到 於是京城內外城門皆閉清野指揮方出內外驚擾軍 二十六日手詔曰朕以寡陋奉承大寶即位旬日金人 未幾有榜示所有清野指揮更不施行城外居民令歸 民乘勢作過朝廷指揮城外搬入民居並就寺觀居止 靖原要錄

家艱難之時無懷二心無有思志奮力致命朕已降指 富贵共保家族朕之此言皎如白日凡汝衆庶明聽無 宗創業已二百年撫養汝等父母妻子恩徳至厚當國 親閱第其輕重不俾踰時宗社再安邦國寧諡汝等取 務使實著功効者必賞僥倖者不容凡功狀來上朕皆 揮于尚書省置功賞司凡厥恩典悉加增重不限舊制 兩路重兵未退守禦之備方在所急咨爾軍士念我祖 先是籍城中户一 人乘城至是免之統制官范瓊

於陳州門外拔城屯兵數千京畿提刑秦元集保甲三 次七日事人: コー 萬先請出屯自當一面朝廷不從敵兵薄城又出乞行 兵又約康王及河北守將合兵入援多為邏者所獲 奉議郎馬伸除監察御史日下供職王元知滑州趙埜 清宫等屯禁衛以備非常數遣使懷蠟九問行出關召 遂塞京城四壁共兵十萬人諸將募戰市井中黄旗不 訓練乘間出戰守禦使劉翰奏取秦元保甲自益元謀 可勝計應募者悉庸巧寒之之人無關志詔五岳觀 鳩康要錄

落職提舉西京崇福宫任便居住 占 水門固子門萬勝門續又燒西水門封丘門凡十 壽觀曹輔賜幞頭金带 二十八日城上守禦兵民殺統制辛充宗及其子 令來逃馬赴關王健差充極密院都承古王燮充副承 二十六日許景衡台赴闕李回罷簽書樞密院提舉 一十七日金人攻東水門范瓊出兵焚塞知廣州孫族 是歲燒南薰門 座

イシアノセド

幸京城四搞設奇兵所保甲開殺統制官得將等二百 5/A. / June / . . . 員外郎王及之充引件官敵請畫河為界朝廷不得 來記吏部尚書王時雅知四方館事帶器械王球吏部 下供職 入局先是二十一日金人遣楊天吉王汭 三十日唐恪乞出不允是日冬至不稱賀不作假依舊 二十九日都人欲擊宰相唐恪 聖古三省長官名可並依元豐官制 何東為門下侍郎

從之回書云早乞班師以全社稷遣聶昌耿南仲為告 和使始稱聽命無違以黃河為界王及之擅改為以黃 河為界聽命無違為敵張皇其意非止畫河而已至二 十七日再遣楊天吉等入議復以王時雍王球管伴 靖康要録卷九

金八四月子言